

**Lescha da taglia  
digl  
vaschinadi Muntogna da Schons**

Prida par bien da la suprastàntza transitorica digl vaschinadi  
Muntogna da Schons  
igls 2 da satember 2020  
per màns digl tarvaschegns constituànt  
digls 30 d'october 2020



## I. Disposiziùns generalas

Object

### Art. 1

- <sup>1</sup> Igl vaschinadi Muntogna da Schons scoda las savundàntas taglias savund las disposiziùns digl dretg cantunal:
  - a) egnà taglia sen antradas a facultad;
  - b) egnà taglia segl gudogn antras la vendita da schaschaint;
  - c) egnà taglia suplementara ad ena taglia penala sco ear castitgs disziplinars;
  - d) egnà taglia sen midadas da màn;
  - e) egnà taglia sen schaschaint;
  - f) egnà taglia sen iertas a donaziùns.
- <sup>2</sup> Igl vaschinadi Muntogna da Schons scoda la savundànta taglia savund questa lescha:
  - a) egnà taglia par tgàns.
- <sup>3</sup> Plenavànt scoda igl vaschinadi Muntogna da Schons las savundàntas taglias savund la lescha speziala:
  - a) egnà taxa par giasts
  - b) egnà taxa par promover igl turissem.

Dretg subsidiar

### Art. 2

- <sup>1</sup> Aschei'anavànt ca la lescha preschainta preveza nigra regulaziùn, vignan aplitgeadas las disposiziùns previdas an la lescha da las taglias communalas a da las taglias da baselgia sco ear da la lescha da taglia cantunala.

## II. Dretg material

### 1. Taglia sen las antradas a sen la facultad

Pe da taglia

### Art. 3

- <sup>1</sup> La taglia sen las antradas a sen la facultad vignan scossas savund la prozentuala da la taglia cantunala semplà.
- <sup>2</sup> Igl tarvaschegns fixescha igl pe da taglia pigl on fiscal ca savunda, igl ple tard agl curs digl dezember.

### 2. Taglia sen midada da màn

Tarifa da taglia

### Art. 4

- <sup>1</sup> La taglia par midadas da màn amporta 1 partschient.

### 3. Taglia sen schaschaint

Tarifa da taglia

#### Art. 5

<sup>1</sup> La taglia sen schaschaint amporta 1 parmeli.

### 4. Taglia par iertas a par donaziùns

Tarifa da taglia

#### Art. 6

<sup>1</sup> La taglia sen iertas a donaziùns amporta:  
a) par la lingia directa digls geniturs 5 partschient,  
b) pigls ulteriurs beneficiaris 15 partschient.

### 5. Taglia par tgàns

Object da taglia

#### Art. 7

<sup>1</sup> Par mintga tgàn, c'â duple ca tres mains a ca vean taniieu sen antschie digl vaschinadi, e'gl da pajear egnà taglia.

Subject fiscal

#### Art. 8

<sup>1</sup> Ublieiu da pajear taglia è igl possessur digl tgàn, igl qual e ear ublieiu d'anunztgear igls seas animals agl vaschinadi an tearma da 30 gis.

Liberaziùn da la taglia

#### Art. 9

<sup>1</sup> Libero da pajear la taglia par tgàns e igl possessur d'egn tgàn da las savundàntas sorts:  
a) tgàns da polizeia;  
b) tgàns da lavegna;  
c) tgàns par orvs sco ear par surds;  
d) tgàns da sàng BSC (Club grischùn da tgàns da sàng) cun egnà lubientscha d'ancurir;  
e) tgàns da schurmetg da muntaneras c'en examinos a registros.

Calculaziùn da la taglia

#### Art. 10

<sup>1</sup> La taglia amporta pigl ampren tgàn 50 fràncs, par mintga ulteriur tgàn an la madema casada 100 fràncs ad on. La suprastanza comunala po adatar questas tarifas a la carischeia.

<sup>2</sup> Sch'igl tgàn vean betga taniieu durànt igl antier on segl antschie digl vaschinadi, vean debitada la taglia me pro rata, dantànt seglmains par tres mains.

<sup>3</sup> La taglia â da vagnir pajeada anualmeing.

### III. Dretg formal

#### 1. Autoritads

Suprastànza comunala

##### Art. 11

- <sup>1</sup> La suprastànza comunala dezida:
  - a) dumondas partutgànt igl leavgiamaint fiscal;
  - b) davart la partizipaziùn a cunvegnas da cunterdretg digl Cantùn an tgossas da taglias par iertas a par donaziùns.

Ufezi da taglia comunala

##### Art. 12

- <sup>1</sup> L'execuziùn da questa lescha e tgossa digl ufezi da taglia comunala, aschei'anavànt c'ella e an la cumpetenza digl vaschinadi.
- <sup>2</sup> Igl ufezi da taglia comunala e plenavànt cumpetent par exequir las leztgas mandatadas ad el antras la lescha da taglia cantunala.
- <sup>3</sup> Igl vaschinadi po delegar a tearzas parsùnas las sias leztgas savund las alineas 1 a 2.

Ulteriurs ufezis

##### Art. 13

- <sup>1</sup> Igl vaschinadi po surdar la taxaziùn da las taglias par antradas a facultad sco ear par la taglia sen schaschaint ad egn ufezi da taglia intercomunala/regionala.
- <sup>2</sup> Igl vaschinadi Muntogna da Schons po delegar la taxaziùn d'ulteriuras taglias ad egn tal ufezi da taglia ancunter indemniziùn.

#### 2. Incassamaint

Scadenza

##### Art. 14

- <sup>1</sup> Las taglias par las antradas a la facultad en da pajear suainter la cunsegna digl quent da taglia provisoric near suainter la dezisiùn partutgànt la taxaziùn.
- <sup>2</sup> La scadenza da la taglia sen schaschaint sadreza savund las taglias directas, sch'ella vegn scossa enseme cun quellas.
- <sup>3</sup> La scadenza da la taglia segl gudogn ca saresulta da la vendita da bagns imobigliars sco ear da la taglia par iertas a donaziùns sadreza savund igl dretg cantunala.
- <sup>4</sup> Las ulteriuras taglias sco ear igls castitgs disciplinars vignan debitos cun la facturaziùn.
- <sup>5</sup> A la fezn da l'obligaziùn fiscala an Svizra near an

consequenza da l'avertura d'egn concurs e'gl da pajear imediatameing mintga taglia near mintga castitg.

Termin digl pajamaint

**Art. 15**

- <sup>1</sup> Las taglias ad igls castitgs disziplinars ân da vagnir pajieus – cun resalva da l'alineia 2 – an tearma da 120 gis avànt la scadenza.
- <sup>2</sup> La scadenza digl pajamaint da la taglia segl gudogn antras la vendita da bagns imobigliars sco ear da la taglia sen iertas a donaziùns sadreza savund igl dretg cantunal.
- <sup>3</sup> La scadenza digl pajamaint par taglias a basa da la lescha speziala, savund art. 1, al. 3 da la lescha preschainta, sadreza tanor questa lescha speziala.
- <sup>4</sup> Par las taglias sen antradas a facultad sco ear par la taglia sen schaschaint, scossa cun tschellas, po la suprastàntza comunala prever igl pajamaint an duas ratas durànt igl on ca savunda agl on fiscal.
- <sup>5</sup> A la fegn da l'obligaziùn fiscala an Svizra near an consequenza da l'avertura d'egn concurs e'gl da pajear imediatameing mintga taglia near mintga castitg.

Relasch da las taglias

**Art. 16**

- <sup>1</sup> Davart dumondas da relaschar taglias a davart amortisaziùns administrativas dezida la suprastàntza.

**3. Indemnisaziùn**

Las baselgias cantunales

**Art. 17**

- <sup>1</sup> Igl vaschinadi Muntogna da Schons vean indemniso da las baselgias cantunales a da las plevs cun 2 partschient da las taglias c'en vegnidas scossas.

**IV. Disposiziùns finalas**

Antrada an vigur

**Art. 18**

- <sup>1</sup> La lescha qua preschainta è vegnida prida par bien digl tarvaschegns digls 30 d'october 2020. Ella aintra an vigur igls 1. da schaner 2021.
- <sup>2</sup> Cun l'antrada an vigur da la lescha qua preschainta en anuladas tut las disposiziùns d'oters relaschs ca statan an cuntradicziùn cun quella lescha.

Igl parsura da la  
suprastanza transitorica:

---

Andreas Heggendorf

Igl vize-parsura da la  
suprastanza transitorica:

---

Marco Dolf